

पावलइ कोरिन्थिमैए ल्हागिर फ्हिबै ओंसोंबै फ्हिछ्या

फ्हिबै म्हिः पावल ।

फ्हिबै कल्ह्योः एशिया ह्युलबैँ एफिसस सहर ।

फ्हिबै त्हेः ई. सं. ५५ साल, अथवा बि. सं. ११२ सालर ।

चु फ्हिछ्या फ्हिल् त्हुबै कारणः कोरिन्थ सहर अखैया (ग्रिस) ह्युलबैँ राजधानी मुँल । चर ल्हें खालबैँ म्हिमैँ टिमल । पावलइ चर प्रभु येशू खीष्टउँडँले खबै सैं तोंबै ताँ बिप्रमा खिइ बिबै ताँ क्वेंसि चबैँ ल्हें म्हिइ प्रभु येशूए फिर बिश्वास लइ । दिलेया बिश्वासीमैँ खें-खेंमैँ न्होंर्न आक्हिसि खै लदा इहाँमुँ छान् लइमुँ रो बिब् थेसि चमैँलाइ लोदा सैंदा लबर पावलइ चु फ्हिछ्या फ्हिब् ग ।

चु फ्हिछ्यार मुँबै तामैँ

सुरु लब १:१-१

बिश्वासीमैँ खें-खेंमैँए न्होंर्न आक्हिसि स्यो-स्यो तब १:१०—
४:२१

आछ्याँबै के पिल् त्हुम् ५:१—६:२०

चमैँइ डचोएबै तामैँए ज्वाफ फ्हिब ७:१—१६:१२

१. ब्ह्या लब ७:१-४०

२. कुर चडेबै सै ८:१—११:१

३. बिश्वासीमैँइ परमेश्वरए सेवा खैले लल् त्हुम् बिबै ताँ
११:२—१४:४०

४. येशूए फिर बिश्वास लब्मैँ सिलेया धबै सोगों तबै ताँ
१५:१-५८

५. पावल, तिमोथी नेरो अपोल्लस ल्हें कल्ह्योर ह्याब
१६:१-१२

आखिरि ताँ १६:१३-२४

1 परमेश्वरए सैर मैब् धोबै के लबर ख्रीष्ट येशूउँडले कुल्मिंबै चिब चेला ड पावल नेरो डचोए सोस्थेनेस विबै अलिउँडले

2 कोरिन्थ सहरबै विश्वासी अलि-अडॉमेंलाइ* जय मसीह मुँ । परमेश्वरजी कहेमैलाइ खीए म्हिमै तबर हुइमुँ । कहेमै नेरो कल्ह्यो-कल्ह्योबै डचोए प्रभु येशू ख्रीष्टए फिर विश्वास लबै ताँन् म्हिमैए प्रभु येशू ख्रीष्टन् ग । परमेश्वरजी कहेमै नेरो चमै ताँनलाइ ख्रीष्ट येशूने घिन् लसि पवित्र लइमुँ ।✧

3 डचोए परमेश्वर आबा नेरो प्रभु येशू ख्रीष्टउँडले कहेमै ताँनइ दयाम्हाँया नेरो शान्ति योरिगे ।

□□□□□□□□□□□□□□□□ □□□□ □□□□

4 कहेमैए ल्हागिर खोंयोंन् बिलै डए परमेश्वरलाइ धन्यबाद पिंम्, तलेबिस्याँ येशू ख्रीष्टउँडले कहेमैइ खीए दयाम्हाँया योंइमुँ ।

5 छले येशू ख्रीष्टउँडले दयाम्हाँया योंबइले कहेमै ताँन् सैमैर प्ल्होइमुँ धै तोन्दोरिर ह्रब् सेब तसि पौल् ह्रब् तइमुँ ।

6 तलेबिस्याँ येशू ख्रीष्टउँडले खबै सैं तोबै ताँ क्होंसेन् ग बिसि परमेश्वरजी कहेमैए सैर पक्का लमिंइमुँ ।

7 छतसि डचोए प्रभु येशू ख्रीष्ट युबै त्तिंइए घ्याँ इह्योरिमा कहेमैलाइ चैदिबै परमेश्वरउँडले यौल् त्हुबै बरदान तो मुँलेया कहेमैने खाँचो तरिब आरे ।

8 डचोए प्रभु येशू ख्रीष्ट युबै त्तिंइर कहेमैलाइ तोइ छ्याब आरेब लमिंरिगे बिसि खीजीन् लिउँड समा कहेमैए विश्वासर भोंब लमिंम्मुँ ।

9 तलेबिस्याँ परमेश्वर बेल्ले भर लल् खाँब मुँ, खीजी ह्नोंसए च्ह येशू ख्रीष्ट डचोए प्रभुने बालु टिबर कहेमैलाइ त्हांइ ।

□□□□□□□□□□□□□□ □□□-□□□□□□□□ □□□□□□□□□□ □□□□□□□□□□

* 1:2 1:2 □□□□□□□□ □□□-□□□□□□□□ □□□□ □□□□□□, परमेश्वरए मण्डली । ✧ 1:2 1:2 □□□□□□ □□:‡

10 छतसि ओ अलि-अडाँमें, डचोए प्रभु येशू खीष्टए थेबै मिरं ड कहेमैने यो छयुँ लमुं: कहेमै सैं फो क्व्हसि टिब्मैं तद, कहेमैए सैं आक्व्हसि ह्नों-ह्नोंसए न्होंन फ्रेब् फ्लाब् आतरिगे ।

11 तलेबिस्याँ ओ डए अलि अडाँमें, कहेमै ह्नों-ह्नोंसए न्होंन फ्होंगि कैगि लम् बिबै ताँ क्लोए बिबै म्हिए परवाबै म्हमैइ डने बिल ।

12 कहेमै न्होंर कोइइ “ड पावलए चेला ग,” कोइइ “ड अपोल्लसए चेला ग,” कोइइ “ड पत्रुसए चेला ग,” कोइइ “ड खीष्टए चेला ग,” बिम् रो ।*

13 खीष्ट डिहंदे सोदे मुँ रो वा? आडिं, घिन् ग! कहेमैए ल्हागिर ड पावल कूसर च्योसि सिल् रो वा? आसि! कहेमैइ डए मिरं बप्तिस्मा किल् रो वा?

14 कहेमै न्होंरि खाबलाज्यै या डइ बप्तिस्मा आपिंइमुँ बिसि डइ परमेश्वरलाइ धन्यवाद पिंम्! ओं, क्रिस्पस नेरो गायस बिबै म्हमैलाइ मत्त्रे डइ बप्तिस्मा पिल ।*

15 छतसि कहेमै खाबज्यै या “पावलए मिरं बप्तिस्मा किल!” बिल् योरिब् आरे ।

16 (ओं, डइ स्तिफनसए परवालाज्यै या बप्तिस्मा पिल । चु म्हमै बाहेक अरू खाबलाज्यै या डइ बप्तिस्मा पिंइ उ आपिं बिसि डलाइ था आरे ।)*

17 तलेबिस्याँ खीष्टजी डलाइ बप्तिस्मा पिंबर आडिं, खीउँइले खबै सैं तोंबै ताँ बिप्रबर कुल्मिंब् ग । धे खीष्टजी डचोए ल्हागिर कूसर पिंबै खो फाक्कर्न आतरिगे बिसि च सैं तोंबै ताँ बिप्रमा डइ चु ह्युलउँइले खबै ज्ञान-बुद्धिइ आपों ।

□□□□□□□□□□□□□□ □□□□□□□□□□□□ □□□□□□ □□□□□ □□□□□□□□

☆ 1:12 1:12 □□□□□□ □□:२४ ☆ 1:14 1:14 □□□□□□ □□:८; चिबै १९:२९; रोम १६:२३ ☆ 1:16 1:16 □ □□□ □□:१५

18 तलेबिस्याँ डचोए पाप खुमिंबै ल्हागिर येशू खीष्टजी कूसर खो पिंब् ग बिबै ताँ नास तबर हौंभैइ बुद्धि आरेभैए ताँ धों इहाँम्, दिलेया येशूए फिर बिश्वास लसि पापउँइले फ्रेभैइ बिस्याँ डचोए ल्हागिर चु ताँ परमेश्वरए शक्ति ग इहाँम् ।

19 तलेबिस्याँ “बुद्धि मुँब् फ़ैंभैए बुद्धि डइ नास लवाभुँ, धै बाटो फ़ैंभैइ लबै चाँजोमै केर आफेब् लवाभुँ,” बिसि परमेश्वरजी खीए पबित्र छ्वेर फ़िइमुँ ।*

20 छतसि बुद्धि मुँभै खनिर मुँ? छवेबै ताँ लोमिंभै खनिर मुँ? चु जुगबै ह्रब्-सेभै खनिर मुँ? परमेश्वरजी ह्युलबै बुद्धि मुँब् फ़ैंभैलाइ आमादु आलइमुँ वा?*

21 तलेबिस्याँ परमेश्वरए बुद्धिउँइलेन् म्हिमेंइ ह्रोंसने बुद्धि मुँब् धों इहाँलेया चमैइ खेमैए “बुद्धिउँइले” खीलाइ डो सेल् आखाँ । छतसि डचोइ बिप्रबै सैं तोंबै ताँउँइलेन् खीजी ह्रोंसए फिर बिश्वास लभैलाइ जोगेबै चाँजो लइ ।

22 यहूदीमैइ अचम्मबै चिनुमै म्हैम्, ग्रिकमैइ ज्ञान-बुद्धिए ताँमै म्हैम् ।

23 दिलेया डचोइ बिस्याँ कूसर च्योवाबै येशू खीष्टउँइले खबै सैं तोंबै ताँ बिप्रम् । चु ताँ यहूदीमैइ तिफुँइ आखो, छलेन अरू ह्रेंमैए ल्हागिर चु ताँ बुद्धि आरेभैइ पोबै ताँ धों इहाँम् ।

24 दिलेया यहूदी मुँलेया, अरू ह्रेंमै मुँलेया खीजी त्हाँबै म्हिमैए ल्हागिर बिस्याँ खीष्ट येशून् परमेश्वरए शक्ति नेरो बुद्धि ग ।

25 तलेबिस्याँ परमेश्वरउँइले खबै ताँ म्हिमैइ “बुद्धि आरेब्” धों इहाँलेया च ताँ म्हिमैए “बुद्धि” भन्दा झन् ल्हें ज्ञान मुँबै ताँ ग, झाइले परमेश्वरउँइले खबै ताँ म्हिमैइ “तोन् तोबै” इहाँलेया च ताँ म्हिमैए भों भन्दा झन् ल्हें भोंब मुँ ।

26 छतसि ओ अलि-अडाँमै, परमेश्वरजी क्हेमैलाइ त्हाँब्

☆ 1:19 1:19 □ □ □ □ □ □ □ □ □ □ □ □ १४

☆ 1:20 1:20 □ □ □ □ □ □ □ □ □ □ □ □ १७; यशै ११:१२; ३३:१८; यशै

भन्दा ओसों क्हेमैं खैले छ्ह थोरिल बिसि मैन्। क्हेमैं न्होरि बुद्धि मुँब्मैं, भों मुँब्मैं नेरो चिब्मैं ल्हें आरेल।

27 दिलेया बुद्धि मुँब् फ़ैब्मैंलाइ फा पिन् लवाबै ल्हागिर परमेश्वरजी बुद्धि आरेब्मैंलाइ त्हाँइ, धै भों मुँब् फ़ैब्मैंलाइ फा पिन् लबर परमेश्वरजी भों आरेबै म्हिमैंलाइ त्हाँइ।

28 छ्हेले ह्युलर्बै म्हिमैंइ म्हि आच्छिबै म्हिमैंलाइन परमेश्वरजी त्हांसए के लबै ल्हागिर त्हाँइ। ह्युलर्बै म्हिमैंइ थेब इह्हाँबै सैमैंलाइ केर आफेब् लवाबै ल्हागिर खीजी छ्हे लब् ग।

29 छ्हेतसि खाबज्यै या परमेश्वरए उँइर थेब आफ़ैरिगे।

30 तलेबिस्य़ाँ ख्रीष्ट उँइलेन् परमेश्वरजी डचोलाइ छ्ह पिंइमुँ, ख्रीष्ट उँइले डचोइ बुद्धि योंइमुँ, ख्रीष्ट उँइलेन् डचोइ ठिक के लल् खाँमुँ, ख्रीष्ट उँइलेन् डचो पबित्र तइमुँ, ख्रीष्ट उँइलेन् परमेश्वरजी डचोलाइ जोगेमिंइमुँ।

31 छ्हेतसि “थेब् फ़ैँदा इह्हाँब्मैं प्रभुजी लबै केर्न थेब् फ़ैँरिगे,” बिसि परमेश्वरए छ्हेर फ़्हिइमुँ।✧

2

१११११११ १११११११११ १११११११११११११११११११११११११ ११११ ११११
१११११११ १११११

1 ओ अलि-अडामैं, ड क्हेमैं डार खमा ड परमेश्वरए बारेर खाबज्यै आसेबै ताँ बिप्रबै ल्हागिर ड थे-थेबै ताँमैं नेरो बुद्धि उँइले आपोल।

2 तलेबिस्य़ाँ ड क्हेमैंने मुँमा येशू ख्रीष्टलाइ कूसर च्योवाबै ताँ मत्त्रे लम् बिब डए सैर मुँल।

3 छ्हेतसि ड क्हेमैं डार भों आरेबै म्हि धोले इह्हाँदा-इह्हाँदाले त्हारदै खइ।✧

4-5 क्हेमैंए बिश्वास म्हिमैंए बुद्धिर आडिं, परमेश्वरए शक्तिए फिर तरिगे बिसि डइ क्हेमैंने बिबै ताँमैं बुद्धि मुँब्मैंइ पोबै ताँ धोले

कहेमैए सैं छुइबै ताँ आरेल । दिलेया डइ पोंबै ताँमैइ पबित्र प्न्हए शक्तिए प्रमाण उँइल ।

११११११११११ १११११११

6 दिलेया परमेश्वरए फिर बिश्वासर भोंबैए उँइर डचो बुद्धिए ताँमै या पोंम् । डचोइ पोंबै बुद्धिए ताँमै चु ह्युलबै आडिं, ह्युलर ग्याल्स लबैउँइले खबै या आडिं । (चु ह्युलर ग्याल्स लबै नास तयाम् ।)

7 दिलेया डचोइमि परमेश्वरउँइले खबै बुद्धिए ताँमै बिप्रम् । च बुद्धिए ताँ म्हिमैइ तिफुँइ कहोल् आखाँब मुँल । दिलेया डचोइ खीउँइले आशिक योरिगे बिसि स्योम् ओनोन् परमेश्वरजी चु बुद्धि डचोए ल्हागिर साँथेंल ।

8 चु ह्युलर ग्याल्स लबैइ चु ताँ आकहोल । चमैइ चु ताँ क्होस्याँ तान् भन्दा थेबै प्रभुलाइ कूसर आच्योवामल ।

9 चु ताँए बारेर परमेश्वरए छ्वेर छले प्हिइमुँ,
“म्हिमैइ खोंयोइ आम्रोंब, खोंयोइ आथेब,
म्हिमैए सैरै आमैबै ताँमै,

परमेश्वरजी खीलाइ म्हाँया लबैए ल्हागिर तयार लथेंइमुँ ।”☆

10 चुन् कहोल् आखाँबै ताँमै परमेश्वरजी खीए पबित्र प्न्हउँइले डचोलाइ कहोल् लमिंइ । तलेबिस्याँ पबित्र प्न्हजी परमेश्वरए ताँन् सै म्हेमुँ, तिफुँइ कहोल् आखाँबै परमेश्वरए गैरु-गैरु ताँमै या खीजी म्हेमुँ ।

11 म्हिमैए सैर तो मुँ बिब ह्रोंसए सैंइ मत्त्रे सेमुँ, अरूइ आसे, छलेन परमेश्वरए सैबै ताँ या खीए पबित्र प्न्हजी मत्त्रे सेम् ।

12 धै खीजी डचोलाइ पिल् खाँबै ताँन् सै था सेरिगे बिसि खीजी डचोलाइ चु ह्युलबै सैं आडिं, वरु खीउँइले युबै पबित्र प्न्ह पिंइमुँ ।

13 छतसि डचोइ बिप्रबै तामें म्हिमैए बुद्धिउँडले खबै तामें आडिं, पबित्र फ्हउँडले लोमिंबै तामें ग। छतमा पबित्र फ्हउँडले खबै तामेंए अर्थ डचोइ पबित्र फ्ह मुँबै म्हिमैलाइ कहोमिंम्।

14 पबित्र फ्ह आरेबै म्हिमैइ परमेश्वरजी बिबै ताँ कहोल् आखाँ। च ताँ चमैए लहागिर केर आफेबै ताँ धों तम्, तलेबिस्याँ पबित्र फ्हजी पिंबै ज्ञान-बुद्धिउँडले मत्त्रे च तामें कहोल् खाँम्।

15 पबित्र फ्ह मुँबै म्हि बिस्याँ तान् सै छेनाले कहोल् खाँम्, दिलेया खाबज्यै या छाबै म्हिलाइ छ्याब ल्हैदिल् आखाँ।

16 परमेश्वरए छ्वेर फ्हिब् धोले,
“याहवेहलाइ खाबइ लोमिंल् खाँमुँ?

खीए सैंबै ताँ खाबइ सेइमुँ? खाबज्यै आसे।”☆
दिलेया डचोइमि ख्रीष्टए सैंबै ताँ सेइमुँ।

3

□□□□□□□□□□□□□□ □□□-□□□□□□ □□□□□□□□

1 ओ अलि-अडाँमैं, ड कहेमैं डार खमा पबित्र फ्ह मुँबै म्हिमैने पोब धोले ड कहेमैने पोल् आखाँल्, भखर विश्वास लबै म्हिमैने धोले पोल् त्हुइ।

2 डइ कहेमैलाइ इहे मत्त्रे थुँल् पिंड, सारो सैमैं चल् आपिं, तलेबिस्याँ कहेमैं सारो सैमैं चल् आखाँबमैं मुँल्, अझै या छाबन् मुँ।☆

3 कहेमैं अझै परमेश्वरए फिर विश्वास आलबमैं धोबन् मुँ। तलेबिस्याँ कहेमैं ह्रों-ह्रोंसए न्होंर्न ह्रिस लब, फ्होंगि कैगि लब तसेरो कहेमैं परमेश्वरए फिर विश्वास आलबमैं धोन् तइ, आडिं वा?

4 कहेमैं न्होंरि कोइइ “ड पावलए चेला ग,” कोइइ “ड अपोल्लसए चेला ग” बिम् बिस्याँ, कहेमैं बिश्वास आलबै म्हिमें धोन् तइ, आडिं वा?☆

5 अपोल्लोस खाब् जा? डै या खाब् जा? डिम् परमेश्वरए के लबै म्हिमें मत्त्रे ग। डिउँडैले कहेमैंइ खीए फिर बिश्वास लइ। खीजी खटिदिबै के डि लमुँ।

6 डइ प्लु प्लुइ, अपोल्लसइ क्यु झोंइ, दिलेया परमेश्वरजीन् धुँ बडिमिंइ।☆

7 छ्रतसि प्लु प्लुबै म्हि नेरो क्यु झोंबै म्हि थेब आडिं, कहेमैंए बिश्वास बडिमिंबै परमेश्वरन् थेब ग।

8 प्लु प्लुबै म्हि नेरो क्यु झोंबै म्हिए के घिन् ग। चमैंइ लबै के अनुसार्बै नों सै परमेश्वरजी चमैंलाइ पिंभुँ।

9 डि बालुन् परमेश्वरए के लबैं ग, कहेमैं बिस्याँ छ्र्याँबै रोमें रोमिंबै म्रों नेरो परमेश्वरए धिं ग।

10 परमेश्वरउँडैले योंबै ज्ञान बुद्धिउँडैले डइ धिं बनेबै सिपालु कर्मिइ धोले छेनाले तें (जग) झोंइमुँ। च तेंए फिर गारा झोंबैं ताँनइ छेनाले च्हेंसि मँसि परमेश्वरउँडैले योंबै भों मुँबै बरदान अनुसार के लसि छेनाले गारा झोंल् त्हुम्।

11 परमेश्वरजी झोंबै तें येशू ख्रीष्ट ग। म्हिमेंइ येशू बाहेक अरू तें झोंल् आखाँ।

12 चु तेंए फिर खाबज्यै या सै ल्हें फेबै सैमैं, मारा, चाँदि हिरा मोति, छ्रि, सिं परालमैंइ धिं बनेलैया,

13 ख्रीष्टजी निसाफ लबै त्हिंइर ताँन् म्हिमेंइ लबै केमैं खीजी उँडिमिंभुँ। तलेबिस्याँ खीए ओसों तोइ सै या लोल् आखाँ। म्हिमेंए के खैब मुँगे बिसि खीजी मिउँडैले जाँच लभुँ।

14 छ्रतसि च तेंए फिर म्हिमेंइ झोंबै गारा मिइ जाँच लमा खाबैंए गारा मिइ आख्रों चमैंइ इनाम योंभुँ।

15 खाबमैए गारा मिइ खोंवामुँ चमैइ इनाम आयों, दिलेया मिउँडैले त्होंखब् धोंले प्रभुजी चमै जोगेमिंभुँ।

16 कहेमैन् परमेश्वरए मन्दिर ग, परमेश्वरए पबित्र प्न्ह कहेमैए न्होरि टिम्विब कहेमैइ आसे वा?☆

17 छतसि खाबज्यै परमेश्वरए मन्दिर नास लवाम् बिस्याँ परमेश्वरज्यै या चलाइ नास लवाम्भुँ, तलेबिस्याँ परमेश्वरए मन्दिर पबित्र तल् त्हुम्, च मन्दिर कहेमैन् ग।

18 ह्त्तोंसैन ह्त्तोंसलाइ धोका आपिन्: कहेमैए न्होरि खाबज्यै या “चु ह्युलबै बुद्धि मुँबै म्हि डन् ग” बिसि मैम् बिस्याँ क्त्तोंसेन्बै बुद्धि मुँबै म्हि तल् खारिगे बिसि च बुद्धि आरेबै म्हि धों तल् त्हुम्।

19 तलेबिस्याँ चु ह्युलउँडैले खबै बुद्धि परमेश्वरए उँडैर बुद्धि आरेबै धोन् तब ग। परमेश्वरए छवेर छले प्हिइमुँ, “बुद्धि मुँबै फ़ैभैलाइ चमैइ स्योर तेसि के लरिबै त्हेर्न खीजी क्हावाम्भुँ।”☆

20 धबै परमेश्वरए छवेर चु या प्हिइमुँ, “बुद्धि मुँबैइ मैबै तामें या केर आफेबन् तम् बिसि परमेश्वरजी सेम्।”☆

21 छतसि खाबज्यै चेला चिबइ लबै केरि आफ़ैरिगे, तलेबिस्याँ तोन्दोरि कहेमैलन् ग:

22 पावल, अपोल्लस, पत्रुस, चु ह्युल, तिंजोरोबै सैमै, फ़्ना लिउँडैबै सैमै, कहेमै सोलेया, सिलेया — तान् कहेमैलन् ग।

23 झाइले कहेमै ख्रीष्टल् ग, धै ख्रीष्ट परमेश्वरल् ग।

4

□□□□□□□□□□ □□□□□□□□□□ □□□□ □□□□□□□□

1 छतसि डिंलाइ येशू ख्रीष्टए के लभमै नेरो परमेश्वरउँडैले खबै बुद्धिए तामें डिंए जिम्मार् थेंडमुँ बिसि म्हिमैइ मैल् त्हुम्।

☆ 3:16 3:16 □ □□ □:१९; २ कोर ६:१६ ☆ 3:19 3:19 □□ □:१३ ☆ 3:20 3:20 □□ □:११

10 डिम् ख्रीष्टए ल्हागिर बुद्धि आरेब्मैं धोन् तइमुं, कहेमैम् ख्रीष्टर बुद्धि मुंब्मैं धो तइमुं! डि भों आरेब्मैं धोन् तइमुं, कहेमैम् भों मुंब्मैं धो तइमुं! म्हिमैइ कहेमैलाइ मान लम्, डिलाइ हेल लम्।

11 तियाँ समा डिइ धोंब-टिब सैदिसिन् मुं, डि फो खेंइमुं, क्यु पिइमुं, क्लुनान् मुं, डिल धिं नाँ या आरे,

12 चब-थुँवै ल्हागिर डिइ ह्रोंसइन बेल्ले दुःख लमुं। म्हिमैइ डिए फिर सराप झोलेया डिइ चमैए फिर आशिकन् पिंमुं। म्हिमैइ डिने खैन् ललेया डि सैदिम्।*

13 म्हिमैइ डिए आबु वानाबिलेया डिइ चमैने छयाँबै सुंलेन् पोमु। तोगो समा डि म्हिमैए उँइर ह्युलवै केर आफेसि वाबै कसिं धोन् तइमुं।

14 कहेमैलाइ फाफिन् लबर डइ चु ताँ फ्लिब् आडिं, ह्रोंसए खोबै कोलोमैलाइ धोलेन् कहेमैलाज्यै या लोदा सैदा लबर फ्लिब् ग।

15 तलेबिस्याँ कहेमैलाइ ख्रीष्टए ताँ लोमिंबै म्हिमै हजार च्युन् मुंलेया ख्रीष्टउँइले खबै सैं तोबै ताँ धाँसे ओसो कहेमैने बिमिंसि कहेमैलाइ ख्रीष्ट डो सेल् लमिंबै कहेमैए आबा डन् ग।

16 छतसि डइ लब् धोन् लद् बिसि ड कहेमैने यो छयुं लम्।*

17 डइ कहेमै डार प्रभुए फिर बिश्वास लबै खोबै तिमोथी कुलइमुं। च डए च्ह धोन् तब् ग। डइ क्ल्हयो-क्ल्हयोबै बिश्वासीमैलाइ लोमिंब् धोलेन् ख्रीष्टर डइ खबै छह थोइमुं बिबै ताँ चइ कहेमैने बिब्मुं।

18 ड कहेमै डार आखलै इहाँसि कहेमैए न्होरै या को-कोइ थेब् ष्हेंसि प्रइमुं रो।

19 दिलेया प्रभुए सैं मुइबिस्याँ ड कहेमै डार युनन् खब्मुं। धै च थेब् ष्हेंसि प्रब्मैए ताँ आडिं, चमैए के लबै शक्ति कहोब्मुं।

3 डचोइ स्वर्गदूतमेंलाज्यै या निसाफ लम् बिबै ताँ कहेमैइ आसेइमुँ वा? छतसि चु छहर तखबै च्यु-च्युथुरि ताँमेंम् डचोए ल्हागिर तोइ आडिं ।

4 कहेमैए न्होरि छाबै आक्ह्रबै ताँ मुँ बिस्याँ, विश्वासीमैइ तो धोइ आड्हाँबै म्हिमैँ डार निसाफ लमिन् बिबर तले ह्यामुँ?

5 कहेमैलाइ फापिल् लबर्न डइ चु ताँ बिब गः ह्योसए आघे-अलिमैँ न्होँबैँ आक्ह्रबैँ ताँ क्हिमिल् खाँबै बुद्धि मुँबैँ म्हे कहेमैँ न्होर खाबै आरे वा?

6 दिलेया अलि घ्रिइ अर्को अलिए बिरोध लसि निसाफ म्हेबर विश्वास आल्बमैँए उँइर अड्डार ह्याम् ।

7 कहेमैँ न्होरि घ्रिइ घ्रिए बिरोधर मुद्दा नेब छ्याँब ताँ आडिं । बरु तोन् तलै सैदिसिन् टिब छ्याँब ग ।

8 दिलेया कहेमैँम् ह्यो-ह्योसए न्होर्न घ्रिइ घ्रिलाइ स्योर तेसि लुडिबै के लरिमुँ ।

9 अधर्मिमैँइ परमेश्वरए ग्याल्सबैँ आशिक आयों बिब कहेमैँ आसेइमुँ वा? कहेमैँइ धोका योबै के आतरिगे । छेरन् तबै के लबमैँ, कु पूजा लबमैँ, व्यभिचारिमैँ, मुयुँमेंनेन् आछ्याँबै के लबै मुयुँमें,

10 ह्योमैँ, लोबिमैँ, फ्हा ल्हें थुँसि म्हेरबमैँ, ह्रिस लबमैँ, आगुलाइ लुडिबमैँ, खाबज्यै या परमेश्वरउँइले योल् त्हुबै आशिक योल् आखाँ ।

11 कहेमैँ न्होरि ओसों को-कोइ छाबैँ म्हिमैँ मुँल, दिलेया तिंजोरो प्रभु येशू ख्रीष्टए मिंउँइले नेरो डचोए परमेश्वरए प्न्हउँइले कहेमैँ पापउँइले चोखो तइमुँ, कहेमैँ परमेश्वरए म्हिमैँ तइमुँ, झाइले परमेश्वरए उँइर कहेमैँ ठिक ठदिइमुँ ।

□□□□□□□□ □□□□□□□□□□ □□ □□□□□□□□□□ □□□□ □□□□
□□□□ □□□□□□ □□□□

12 खाबज्यै या “ताँन् सै डए ल्हागिर ठिक मुँ” इहाँलै, दिलेया ताँन् सै केर फेब् आरे। छलेन डज्यै या “ताँन् सै डए ल्हागिर ठिक मुँ” बिल् खाँम्, दिलेया ड तोइ सैए न्होंर टिरिब् आरे।*

13 छलेन खाबज्यै या “चबै सै फोए ल्हागिर ग, धै फो चबै सैए ल्हागिर ग,” बिलै। दिलेया परमेश्वरजी इहंनना इहंनलाइ नास लवाब्मुँ। म्हिए ज्यु ब्यभिचार लबै ल्हागिर आडिं, प्रभुए सेवा लबै ल्हागिर ग, झाइले डचोए ज्युलाइ चैदिवै सै या प्रभुजीन् पिंम्।

14 परमेश्वरजी ह्रोंसए शक्तिजी प्रभु येशू सिबउँडैले सोगों लमिंइ। छलेन डचोलाज्यै या खीए शक्तिजी सोगों लमिंब्मुँ।

15 क्हेमैए ज्यु ख्रीष्टए ज्युबै भागमै ग बिब क्हेमैइ आसे वा? डइ ख्रीष्टए ज्युए भाग घ्रि बोसि फ्यालुस्योए ज्युए भाग लवाब् वा? आडिं, छ कत्ति आतरिगे!

16 फ्यालुस्योने प्रबै म्हि ज्युरै या चनेन् किह्मम् बिब क्हेमैइ आसे वा? तलेबिस्याँ

“चमै इहं ज्यु घ्रिन् तब्मुँ।”*

बिसि परमेश्वरए छवेर बिड्मुँ।

17 दिलेया प्रभु येशूने प्रबै म्हि खीने सैं घ्रि तम्।

18 ब्यभिचार आलद्। अरू पाप लइ बिस्याँ ज्युलाइ नोक्सन् आल, दिलेया ब्यभिचार लइबिस्याँ ह्रोंसए ज्युलाइन नोक्सन् लम्।

19 परमेश्वरजी क्हेमैलाइ पबित्र प्ल्ह पिंइ, छतसि क्हेमैए ज्यु पबित्र प्ल्ह टिवै मन्दिर ग बिब क्हेमैइ आसे वा? क्हेमै ह्रोंसल्ल आडिं, क्हेमै परमेश्वरल् ग।*

20 तलेबिस्याँ खीजी क्हेमै सै फोसि किब् ग। छतसि ह्रोंसए ज्युज्यै या क्हेमैइ परमेश्वरए मिं थेब् तबै के लद्।

☆ 6:12 6:12 ० ००० ००:२३ ☆ 6:16 6:16 ०० ०:२४ ☆ 6:19 6:19 ० ००० ०:१६;
२ कोर ६:१६

7

१. □□□□□□ □□□□□□□□ □□□□□□□□ □□□□□□ □□□□□

१. □□□□□□□ □□□ □□□□□□□□□ □□□□□□□

1 कहेमैँइ फ्हिबै फ्हिछ्याबैँ ताँमैँए ज्वाफ डइ चु फ्हिछ्यार फ्हिइमुँ।

“म्हइ ब्ह्या आलल्ले टिब छ्याँब ग” बिसि कहेमैँइ फ्हिइ।

2 दिलेया [डइ छ बिमः] च्हाँ ल्हेँ ब्यभिचार तबइले ताँन् मुँयुँमैँल ह्हाँ-ह्हाँसल्ल फ्हेंस्यो मुँल् त्हुम्, छलेन ताँन् च्हमिरिमैँलै या ह्हाँ-ह्हाँसल्ल प्युँ मुल् त्हुम्।

3 प्युँइ ह्हाँसए फ्हेंस्योए ल्हागिर लल् त्हुबै केमैँ लरिगे, छलेन फ्हेंस्योज्यै या प्युँए ल्हागिर लल् त्हुबै केमैँ लरिगे।

4 फ्हेंस्योए ज्यु ह्हाँसल् आडिं, चए ज्यु प्युँल् तम्। छलेन प्युँए ज्यु या ह्हाँसल् आडिं, चए फ्हेंस्योल् तम्।

5 छतसि कहेमैँ किहसि टिबै ल्हागिर ग्निइ बिब ग्निइ डिंल् त्हुम्। दिलेया प्राथना लबै ल्हागिर कहेमैँ सल्ला लसि तिस्या स्यो तलेया लिउँइँ कहेमैँ बालुन् तल् त्हुम्। छ आलस्याँ कहेमैँइ सैँ फैल् आखाँबइले दुष्टइ मौका योँल् खाँम्।

6 कहेमैँइ ब्ह्या ललन् त्हुम् बिसि डइ कर आल्हैदि, दिलेया कहेमैँ ब्ह्या लबै सैँ मुँस्याँ ललेन् तम्।

7 डए सैँरम् कहेमैँ ताँन् ड धोलेन् ब्ह्या आलल्ले टिरिगे इहाँइमुँ। दिलेया ताँन् म्हिलाइ परमेश्वरजी स्यो-स्योबै बरदान पिँइमुँ। कोइलाइ ग्नि खालबैँ बरदान पिँइमुँ बिस्याँ, कोइलाइ अकोन् खालबैँ बरदान पिँइमुँ।

8 तारे ब्ह्या आलल्ले नेरो म्हरेस्योमैँने ड बिमुँ: कहेमैँ ड धोलेन् ब्ह्या आलल्ले टिब ठिक मुँ।

9 दिलेया कहेमै ब्ह्या आलल्ले टिमा ह्नोंसए सैं फैल् आखाँस्याँ कहेमैइ ब्ह्या लबन् छ्याँब् तम् । तलेबिस्याँ ज्युबै इच्छाइ दुःख पिब् भन्दा कहेमैए ल्हागिर ब्ह्या लब छ्याँब् मुँ ।

10 तारे ब्ह्या लब्मैने डइ चु ताँ बिम् । फ्हेंस्यो ह्नोंसए प्युने फ्रेयाल् आत । चु ताँ डइ मत्त्रे बिब आडिं, प्रभु येशूजीन् बिब् ग ।

11 च ह्नोंसए प्युने फ्रेसि टिलेया ब्ह्या आलल्ले टिल् त्हुम्, धै ह्नोंसए प्युने बालु किह्ल त्हुम् । छलेन प्युज्यैया फ्हेंस्योलाइ पार लल् आत ।*

12 अरूमैलाज्यै या डइ चु ताँ बिमुँ । (चु ताँ प्रभु येशूजी बिब आडिं, डइ बिबै ताँ ग ।) येशूए फिर बिश्वास लबै मुँयुँल बिश्वास आलबै फ्हेंस्यो मुँस्याँ, च फ्हेंस्योइ च मुँयुँने अझै टिबै सैं लस्याँ च बिश्वास लबै मुँयुँइ ह्नोंसए फ्हेंस्यो पार लल् आत ।

13 छलेन येशूए फिर बिश्वास लबै च्मिरिल बिश्वास आलबै प्युँमुँस्याँ, च प्युँइ च च्मिरिने टिबै सैं लस्याँ च च्मिरिइ ह्नोंसए प्युँलाइ पार लल् आत ।

14 तलेबिस्याँ बिश्वास लबै फ्हेंस्योउँइले बिश्वास आलबै प्युँ पबित्र तम् । छलेन अबिश्वासी फ्हेंस्यो बिश्वासी प्युँउँइले पबित्र तम् । च पबित्र आतस्याँ कहेमैए फ्हेसेमै पबित्र आतमल, छतसि क्ह्नोंसेन कहेमैए फ्हेसेमै या परमेश्वरए म्हिमै तसि पबित्र तइमुँ ।

15 दिलेया बिश्वास आलबै मुँयुँ अथवा च्मिरिइ फ्रेयाबै सैं लस्याँ फ्रेयारिगे । छ तस्याँ बिश्वासी म्हि चए न्होर टिल् आत्हु, तलेबिस्याँ परमेश्वरजी डचोलाइ शान्तिर टिबर त्हाँब् ग ।

16 ओ बिश्वासी च्मिरि, किहइ आसे वा? ह्नोंसए अबिश्वासी प्युँलाइ परमेश्वरए घ्याँउँइ डोरेल् खाँम् उ? छलेन ओ बिश्वासी मुँयुँ, किहइ आसे वा? ह्नोंसए अबिश्वासी फ्हेंस्योलाइ परमेश्वरए घ्याँउँइ डोरेल् खाँम् उ?

* 7:11 7:10-11 ७:३२; १९:९; मर्क १०:११-१२; लूक १६:१८

०००००० ०००००००००० ०००० ००००० ००००० ०००० ०००००

17 परमेश्वरजीन् ड्यो तान्लाइ त्हाँब् ग, बरदानै या खीजीन् पिब् ग। छतसि ह्त्रोसइ योबै बरदान अनुसारै केमै लसि छ्ह थोल् त्हुम्। तान् क्ल्ह्योबै बिश्वासीमेंने डइ चु तान् बिइम्।

18 ज्युर चिनु लबै म्हिलाइ परमेश्वरजी त्हाँइम् बिस्याँ चइ च चिनु मेटिदिवाबै सै आलरिगे। छलेन ज्युर चिनु आलबर्न परमेश्वरजी त्हाँइम् बिस्याँ चइ ज्युर चिनु आलरिगे।

19 तलेबिस्याँ ज्युर चिनु लबै ताँ थेब आडिं। वरु परमेश्वरजी बिबै ताँ डिंब थेबै ताँ ग।

20 परमेश्वरजी त्हाँमा क्हेमै खैले छ्ह थोरिल, छलेन् क्हेमै थोल् त्हुम्।

21 परमेश्वरजी क्हिलाइ त्हाँमा क्ह केब्छै, मुँस्याँ तोइ न्हुँ आलद्। दिलेया क्ल्हेए धिउँइले त्हाँसि ह्याबै मौका योँस्याँ ह्याद्।

22 तलेबिस्याँ प्रभुजी त्हाँमा केब्छै, मुँलेया तारे चलाइ प्रभु येशूजी केब्छै तबइले फ्रेमिंइम्। छलेन प्रभुजी त्हाँबै त्हेसेरो च म्हि केब्छै तबइले फ्रेमिंइम्, छतसि च म्हि प्रभुए के लबै म्हि तइम्।

23 परमेश्वरजी क्हेमै सै फोसि खामिंब् ग, तारे क्हेमै पापए न्होर टिल् आत्हु। छतसि क्हेमै म्हिमैए केब्छै आतद्।

24 ओ डए अलि-अडाँमै, परमेश्वरजी त्हाँमा क्हेमैइ खैले छ्ह थोरिल, छलेन् परमेश्वरने संगति लसिन् टिरिद्।

००००००००००००००० ००००० ००००००० ००००००००००००
०००००००००० ००००

25 तारे कन्येमैए बारेर प्रभु येशूउँइले बिल् त्हुबै ताँ डने तोइ आरे। दिलेया प्रभु येशूउँइले दयाम्हाँया योसि ड म्हिमैइ क्वेल् खाँबै म्हि तबइले डइ क्हेमैलाइ सल्ला पिम्।

मुँयुँए ब्या लबै सैं खस्याँ चमै ब्या लरिगे । छले लबै ब्या पाप आङिं ।

37 दिलेया च म्हिइ ह्रोंसए सैं फैल् खाँमुँ, ब्या आलल्ले टिल् खाँमुँ, बिस्याँ च ह्रिथेबै च्मिरिने चइ ब्या आलल्लै या ठिकन् मुँ ।

38 छलेन खाबइ ह्रोंसइ ह्रिथेबै च्मिरिने ब्या लमुँ, चइ ठिकन् लम् । दिलेया ब्या आलल्ले टिस्याँ झन् छ्याँब तम् ।

39 ह्रोंसए प्युँ आसिन् समा च्मिरि ह्रोंसए प्युँनेन् टिल् त्हुम् । दिलेया प्युँ सियाबै लिउँइ धबै च म्हेस्योइ ब्या लदा इहाँस्याँ चइ ब्या ललेया तम् । दिलेया चु ब्या प्रभु येशूए फिर बिश्वास लबै म्हिनेन् तल् त्हुम् ।

40 दिलेया चइ ब्या आलल्ले टिम् बिस्याँ झन् छ्याँब तम् । चु डए सैंबै ताँ ग, डने या परमेश्वरए प्न्ह मुँ बिब डइ मैमुँ ।

8

□□□ □□□□□ □□□□□□ □□□□□□□□ □□□

1 तारे कुर चडेबै चबै सैए बारेर ड ताँ लम् ।

“ङि ताँन ह्रब-सेब मुँ” बिबै क्हेमैए ताँ ठिकन् ग । दिलेया ह्रब-सेब मुँ बिसि क्हेमै ह्रोंसन् थेब् प्हेँइमुँ, खाबइ आगुए फिर म्हाँया लमुँ, चइ अरूमैलाइन थेब् लमिंम् ।

2 खाबज्यै या “डइ तोन्दोरि ह्रइमुँ” बिलेया ह्रल् त्हुबै ताँ चइ तोइ या आह्रइमुँ ।

3 दिलेया परमेश्वरउँइ सैं एसि खीलाइ म्हाँया लबै म्हिलाइन परमेश्वरजी डो सेम् ।

4 छत्तसि कुर चडेबै सै चल् तम् उ आत बिबै ताँ डचोइ सेइमुँ, “परमेश्वर त्रि मत्त्रे मुँ, कु परमेश्वर आङिं ।” कु म्हिए योइ बनेबै सै मत्त्रे ग ।

5 मु नेरो पृथ्वीर ल्हे “देवतामै” नेरो ल्हे “प्रभुमै” मुँलै । छाबै केर आफेबै देवतामै नेरो प्रभुमै मुँलेया

2 को-कोइ म्हिमेंइ ड कुल्मिंबै चेला चिब आडिं इहाँलेया डलाइ प्रभुइ कुल्मिंबै चेला चिब बिसि क्हेमेंइ म्हाँदिम्। तलेबिस्याँ डउँडँले सैं तोंबै ताँ थेसि क्हेमेंइ प्रभुए फिर बिश्वास लइ छतसि “ड कुल्मिंबै चेला चिब ग” बिबै प्रमाण क्हेमैन पिंम्!

3 डए बिरोधर पोंभेंलाइ डए ज्वाफ चुन् ग।

4 छतसि कुल्मिंबै चेला चिबए के डइ लसेरो चब् थुँबै खर्ज डइ यॉल् आत्हु वा?

5 पन्नुस, प्रभु येशूए अलिमें नेरो अरू कुल्मिंबै चेला चिभें धोलेन् डज्यै या प्रभु येशूए फिर बिश्वास लबै च्छमिरि ब्या लसि प्रल् आयों रो वा?

6 बर्णाबास नेरो डइ मत्त्रे के लसि ह्रोंसए फो न्हल् त्हुब् रो वा?

7 फौजर मुँमा सिपाइमेंइ ह्रोंसए खर्जन के लम् रो वा? अँगुरए थुँ रँडँसि अँगुरए रो आचब खाब मुँ? छलेन र-क्युमें न्हसि चाए इहे आथुँब खाब मुँ?

8 चु म्हिमेंइ बिबै ताँ मत्त्रे आडिं, परमेश्वरए छवेरै या छाबन् ताँ फ्हिइमुँ।

9 “दाँइ झोंबै क्त्याए सुँर म्हुँलु आझोंन्” बिसि मोशाइ फ्हिबै ठिमरि फ्हिइमुँ।*

चु ताँ परमेश्वरजी क्त्याए ल्हागिर मत्त्रे बिब आडिं,

10 म्हिमेंए ल्हागिरै या बिब ग। चु ताँ डचोए ल्हागिरिन् फ्हिब ग। तलेबिस्याँ क्योबै म्हि नेरो दाँइ झोंबै म्हि डिहंन-डिहंनैन् रा-रो योंम् बिबै आशार के लम्।

11 डिइ क्हेमेंए सैर पबित्र प्ल्ह उँडँले खबै प्लु प्लुइमुँ। छतसि डिलाइ चैदिबै सैमें च्युगु-च्युगु पिबर्न क्हेमेंइ थेबै सै पिब धोंन् इहाँइ वा?*

12 क्हेमें उँडँले अरूमेंइ चैदिबै सैमें योंम् बिस्याँ, झन् डिइमि क्हेमें उँडँले ल्हें यॉल् त्हुम्।

* 9:9 9:9 ००० ००:४; १ तिमो ५:१८

* 9:11 9:11 ००० ००:२७

दिलेया डिइ चु हग आम्हैडमुँ। बरु ख्रीष्टउँडले खबै सैं तोबै ताँ म्हिमैने बिप्रमा क्हेमैए फिर तोइ दुःख आतरिगे बिसि डिइ तोन्दोरि दुःख सैदिइ।

13 मन्दिरर के लबै म्हिइ मन्दिरर खबै सैमैउँडलेन् चल योम, छलेन खो पिंबै क्ल्ह्योर के लबै म्हिमैइ खो पिंबै सैउँडलेन् ह्रांसए भाग योम।*

14 छलेन सैं तोबै ताँ बिप्रमैइ सैं तोबै ताँ बिप्रबै केउँडलेन् चल-थुँल् योरिगे बिसि प्रभुजी बिइमुँ।*

15 दिलेया डइ चु हग आम्है। तोगो या डइ चु फ्हिछ्या हग योरिगे बिसि फ्हिब् आडिं। डइ फ्हैबै ताँ खाबज्यै या थोब् भन्दा बरु डलाइ सिब सब मुँ!

16 तलेबिस्याँ डइ सैं तोबै ताँ म्हिमैने बिप्रइ बिसि ड थेब् फ्हैल् त्हुबै ताँ तोइ आरे। तलेबिस्याँ डइ सैं तोबै ताँ बिप्रलन् त्हुम्। डइ सैं तोबै ताँ आबिप्रइ बिस्याँ ड आसोलै तम्।

17 डइ ह्रांसए इच्छाइ चु के लस्याँ चु केए नों सै म्हैमल। बरु चु के डइ ललन् त्हुबै के ग, तलेबिस्याँ परमेश्वरजी डलाइ चु के लबै जिम्मा पिंडमुँ।

18 छ बिस्याँ डइ योल् त्हुबै नों सै तो जा? मुइ आकिल्ले सैं तोबै ताँ बिप्रल् योबन् ग! छतसि सैं तोबै ताँ बिप्रमा योल् त्हुबै हग डइ आम्है।

19 ड खाबै न्होरै या आरे, दिलेया खाँन् समा ल्हें म्हिइ येशू ख्रीष्टए फिर विश्वास लरिगे बिसि ड ताँनए के लबै म्हि धोन् तइमुँ।

20 यहूदीमैइ येशू ख्रीष्टए फिर विश्वास लरिगे बिसि ड यहूदी धोन् तइ। छलेन मोशाइ पिंबै टिम (नियम) म्हाँदिबै म्हिमैइ येशू

ख्रीष्टए फिर विश्वास लरिगे बिसि डइ च ठिम आम्हाँदिलै या चमैए ल्हागिर डै या च ठिम म्हाँदिवै म्हि धोन् तइ ।

21 छलेन ठिम आम्हाँदिवै अरू ह्नेंमैए म्हाँजोर डइ के लमा चमैइ येशू ख्रीष्टए फिर विश्वास लरिगे बिसि ड मोशाइ पिंबै ठिम आम्हाँदिवै म्हि धोन् तइ । (दिलेया ड परमेश्वरए ठिमए न्होर टिसि ख्रीष्टजीन् बिबै ताँ डिंम् ।)

22 छलेन विश्वासर आभोँब्यैए विश्वास भोँव तरिगे बिसि डै या विश्वासर आभोँब्यै धोन् तइ । खैले तमुँ छले खाब् आडिं खाबइ प्रभुए फिर विश्वास लरिगे बिसि म्हिमै खै तल डै या छान् तल ।

23 चु सैं तोँबै ताँ खन्तोँदोन् फेनेरिगे धै चु ताँउँडैले योँबै आशिक डज्यै या योरिगे बिसि डइ छ लम् ।

24 चु ताँ क्हेमैज्यै सेइमुँ: न्हेबर भाग किँब्यै ताँन् न्हेम्, दिलेया पुरस्कार घिइ मत्त्रे योँम् । छतसि क्हेमै या पुरस्कार योँल् खाँल्ले न्हेद ।

25 खेलर भाग किँबै म्हिमै तोन्दोरि सैर ह्त्रोँसए ज्यु तार झोँम् । चमै नास तयाबै पुरस्कार योँबै ल्हागिर छ लम्, दिलेया डचो खोँयोँइ नास आतवै पुरस्कार योँबै ल्हागिर छ लम् ।

26 छतसि तोक्दिवै क्त्ह्योर आफेनेन् समा ड न्हेम् । खैर मुडिकइ लिह्ब्यैइ धोँले ड मुडिकइ आलिह् ।

27 डइ ह्त्रोँसए ज्यु भोँव लबै ल्हागिर तालिम पिँव धोँले ह्त्रोँसए न्होर थेंम् । तले छ लम् बिस्योँ डइ अरूमैलाइ “खेलर भोँ लद्” बिसेरो ड फेल आतरिगे बिसि छ लब् ग ।

10

□□□□□□□□□□ □□□□□□□□□□□□ □□□□□□□□□□ □□□□

1 ओ अलि-अडाँमै, डचोए इस्राएली खेमैलाइ खै तल बिसि क्हेमैइ सेरिगे बिब डए सैं मुँ, चमै मोशाए लिलि मिश्र ह्युलउँडैले

11 चमैए फिर तबै चु तान् ताँमें अरूमैलाइ लोमिंबै ल्हागिर तल । च ताँमें डचोज्यै सेरिगे बिसि फ्हिथेंइ । तलेबिस्याँ चु ह्युल नुखबै त्हे तखइमुँ ।

12 छतसि क्हेमै न्होरि ड बिश्वासर भोब् मुँ बिसि फ्हैबै म्हिइ ह्रोंस पापर आच्छोरिगे बिसि झन् न्ह क्रों मि क्रोले टिल् त्हुम् ।

13 म्हिए फिर तखबै जाँच बाहेक अरू जाँच क्हेमैए फिर आतइमुँ । दिलेया परमेश्वर भर लल् खाँब मुँ, खीजी फ़ैबै बाछ्हा पूरा लम् । छतसि क्हेमैइ सैदिलै आखाँबै जाँचर खीजी फेल् आपि । जाँचर फेमा सैदिल् खाँरिगे बिसि खीजी क्हेमैलाइ जाँचउँइले स्योरल् खाँबै घ्याँ या पिमुँ ।*

?? ???? ?? ??

14 छतसि ओ डइ खोबै अलि-अडाँमें, कु पूजा लन् आलद् ।

15 च्हेब् मैब् लल् खाँबै म्हिमैने धोले डइ क्हेमैने बिइमुँ, डइ बिबै ताँ क्हेमैइ बिचार लद् ।

16 डचोइ प्रभु भोजरि परमेश्वरलाइ धन्यबाद पिसि फ्हेलाउँइले थुँम् । छले थुँमा डचोइ खीष्टए कोए भाग योम् । छलेन क्हेँ चमा डचोइ खीष्टए ज्युए भाग योम् ।*

17 प्रभु भोजरि क्हेँ घ्नि मत्त्रे तम् । छतसि ल्हेँ मुँलेया डचो ताँन् ज्यु घ्नि धोन् तब् ग, तलेबिस्याँ डचोइ क्हेँ घ्निउँइले चम् ।

18 झाइले अकोँ नमुना: इस्राएलीमैँ ड्ह्योद, परमेश्वरए मिरं खो पिंबै सै चब्मैँ खो पिंबै म्हिने घ्निन् तइ ।*

19 डइ बिल् म्हैब तो जा बिस्याँ “कुर चडेबै सै तोइ आडिं!” धै “कु या तोइ आडिं!”

20 दिलेया कुर खो पिंबैँइ परमेश्वरलाइ पिंब आडिं, स्यागि म्होंगिलाइ पिंम् । छतसि क्हेमैँ स्यागि म्होंगिए घ्याँर प्ररिगे बिब डए सैँ आरे ।*

☆ 10:13 10:13 □□□□ □:२५-२७ ☆ 10:16 10:16 □□□□ □:२६-२८; मर्क

१४:२२-२४; लूक २२:१९-२० ☆ 10:18 10:18 □□□□ □:६ ☆ 10:20 10:20 □□

□□:१७

21 कहेमैइ प्रभुए प्हेला नेरो स्यागि म्होंगिए प्हेला इहंनना इहंनउँइले थुँल् आखाँ। छलेन कहेमैइ प्रभुए टेबल नेरो स्यागि म्होंगिए टेबलउँइले या चल् आखाँ।

22 कहेमैइ छाबै ताँ कहोसे या अझै प्रभुलाइ हिस खल् लब् वा? प्रभु भन्दा डचो भोंब मुँ इहाँइमुँ वा?✧

?? ?? ???? ???? ? ? ??

23 “कहेमैइ तो ललेन् तम्,” बिम्। दिलेया ताँन् सैइ कहेमैए फायदा आत। कहेमैइ “ताँन् सै छयाँब मुँ बिमुँ,” दिलेया कति सैम् आछयाँबै तम्।✧

24 खाबज्यै या ह्रोंसल् मत्रे छयाँब तरिगे बिसि आमैन्, अरूमैलाज्यै छयाँब तरिगे बिसि मैन्।

25 छतसि छ लद् ओ: से चुँबै कल्ह्योरि तोए से मुँलेना सैर तोइ आइहाँन्ते चवाद्। “चु से कुर चडेब् उ?” बिसि आडचोएद्।

26 तलेबिस्याँ “पृथ्वी नेरो चर मुँबै तोन्दोरि सै प्रभुलन् ग,” बिसि परमेश्वरए छवेर प्हिइमुँ।✧

27 छलेन येशूए फिर विश्वास आलब्मै खाबै मुँलेया कहेमैलाइ चब् चबर न्हिम्तो लइबिस्याँ, कहेमै या ह्याबै सै मुँस्याँ, कहेमैलाइ तो सै चल् पिंमुँ, च सै तोइ संका आलल्ले चद्। चु कुर चडेबै सै वा बिसि आडचोएद्।

28 दिलेया खाबै मुँले कहेमैने, “चु कुर चडेबै सै ग,” बिस्याँ च सै आचद्। तलेबिस्याँ, चु कुर चडेबै सै ग बिमिंबै म्हिए ल्हागिर नेरो चइ छयाँब नेरो आछयाँब फेलल् खाँना बिब् मैसि च सैमै आचद्।

29 किहइ छयाँब नेरो आछयाँब फेलल् खाँमना बिसि बिब् आडिं, विश्वासर आभोबै अलि अडामैए सै आन्होरिगे बिसि छ बिब् ग। “डइ ताँन् के लबै हग मुँ। छतसि अरू म्हिमैइ छयाँब आछयाँब फेलल् खाँइ बिबर्न डइ लदा इहाँबै के आलब?”

✧ 10:22 10:22 □□ □□:२१ ✧ 10:23 10:23 □ □□ □:२२ ✧ 10:26 10:26 □□

□□:१

30 डइ परमेश्वरलाइ धन्यवाद पिसि चबै सै चइ बिस्याँ अरुमैँइ तले डए ताँ लल् त्हुइ?

31 डइ तो बिम् बिस्याँ: कहेमैँइ चलेया, थुँलेया, तो ललेया परमेश्वरए थेबै मान तबै ल्हागिर मत्त्रे लद् ।

32 कहेमैँइ छ्ह थोमा यहूदी मुँले, अरु ह्हेमैँ मुँले, परमेश्वरए फिर बिश्वास लब्मैँ मुँले, खाबलाज्यै या सैँ नल् लबै के आलद् ।

33 डज्यै या डइ लबै तोन्दोरि केर म्हिमैँए सैँ खैले तोन् लब् इहे इहाम् । डइ ह्हांसल् मत्त्रे छ्याँब् तरिगे धै सैँ तोल् योरिगे आइहाँ, बरु ताँन् म्हिमैँइ मुक्ति योसि छ्याँब् तरिगे बिब डए सैँ मुँ ।

11

1 छ्तसि ख्रीष्टजी लब् धोलेन् डइ लइमुँ, कहेमैँज्यै या डइ लब् धोलेन् लद् ।*

□ □□□□□□□□□□ □□□□ □□□□ □□

2 डइ कहेमैँलाइ स्याबासि पिम्, तलेबिस्याँ कहेमैँइ खोयोन् बिलै डलाइन मैसि डइ लोमिंब् धोले लरिइमुँ ।

3 अझै कहेमैँइ चु ताँ सेरिगे बिब डए सैँ मुँ: ख्रीष्ट ताँन् म्हिमैँए क्र ग, झाइले प्युँ प्हेँस्योए क्र ग, परमेश्वर ख्रीष्टए क्र ग ।

4 छ्तसि प्राथना लमा अथवा अगमबाणि पोमा ह्हांसए क्र हुबै मुँयुँइ ह्हांसए क्र [अथवा ख्रीष्टए] मान आल ।

5 छलेन क्र आउल्ले प्राथना लब् नेरो अगमबाणि पोबै च्हमिरिइ ह्हांसए क्र [अथवा ह्हांसए प्युँए] मान आल, तलेबिस्याँ च च्हमिरिए क्र खोरवाब् धोन् तम् ।

6 च्हमिरिमैँइ क्र आउ बिस्याँ चइ क्र खोरवालेन् तम् । दिलेया क्र खोरवामा फा पिम् बिस्याँ चइ क्रमुँ कुल् त्हुम्

* 11:1 11:1 □ □□ □:१६; फिलि ३:१७

7 मुँयुँमैइ ऋ हुल आत, तलेबिस्याँ मुँयुँमें परमेश्वर धों ब्योब मुँ धै चमैइ परमेश्वरए इहो लोबै के लम् । छलेन च्मिरिइ ह्रोंसए प्युँए इहो लोबै के लम् ।*

8 तलेबिस्याँ मुँयुँ च्मिरिउँइले बनेब आडिं, च्मिरि मुँयुँउँइले बनेब ग ।

9 छलेन मुँयुँ च्मिरिए ल्हागिर बनेब आडिं, च्मिरि मुँयुँए ल्हागिर बनेब ग ।*

10 छतसि स्वर्गादूतमैए* उँइरि ह्रोंसए प्युँए न्होर टिइमुँ बिब उँइबर च्मिरिमैइ ऋमुँइ ऋ हुल् त्हुम् ।

11 दिलेया प्रभुए उँइर, फ्हेंस्यो या ह्रोंसए प्युँए न्होर टिल् त्हुमुँ, छलेन प्युँ या ह्रोंसए फ्हेंस्योए न्होर टिल् त्हुम् ।

12 तलेबिस्याँ मुँयुँउँइले च्मिरि बनेब ग, मुँयुँ च्मिरिइ फिब ग । चु तोन्दोरि सै परमेश्वरउँइलेन् तब ग ।

13 क्हेमै ह्रोंसन् बिचार लद, च्मिरिइ ऋ आउल्ले परमेश्वरने प्राथना लब इहेम्मा?

14 मुँयुँमैइ ह्रिंग्यो ऋ न्हस्याँ चए ल्हागिर फापिन् तबै ताँ ग बिसि ह्युलबै छ्याइ ड्योलाइ लोमिम्, आडिं रो वा?

15 दिलेया च्मिरिए ऋ ह्रिंग्यो मुइबिस्याँ च बेल्ले इहेम् । तलेबिस्याँ ह्रिंग्यो ऋ परमेश्वरजी चलाइ हुबै ल्हागिर पिब ग ।

16 दिलेया चु ताँए बारेर को-कोइइ तोइ बिदा इहाँम् बिस्याँ डइ चमैने बिमुँ, डिए न्होरि अरू तोइ रोसमै आरे, परमेश्वरए बिश्वासीमै न्होरै या अरू तोइ रोसमै आरे ।

□□□□□□ □□□□□ □□□□□□□□□□ □□□□

17 तारे अरू तारै या क्हेमैइ ठिक के लइ बिसि डइ बिल् आखाँ, तलेबिस्याँ क्हेमै खागु तसि लल् म्हैबै केर छ्याँब भन्दा आछ्याँब त्हेन् तम् ।

☆ 11:7 11:7 □□ □:२६-२७ ☆ 11:9 11:8-9 □□ □:१८-२३ * 11:10 11:10

□□□□□□□□□□ □□□□□ □□□□□□□□, स्याबोंमै, अथवा चर्च इह्योबर कुल्मिंबें

27 छतसि खाबइ आगुए सैं फो नल् लसेया च ताँमैं आक्हिल्लेन् चु क्हें चमुँ, धै चु फ्हेलाउँइले थुँमुँ बिस्याँ, प्रभुए ज्यु नेरो को तो धोँइ आइहाँन्ले चबइले प्रभुए उँइर च म्हि दोषि तब्मुँ ।

28 छतसि ताँन् म्हिमैंइ ओंसों “ड प्रभु भोज चबर लायकबै मुँ उ आरे?” बिसि ह्नोंसइन ह्नोंसलाइ जाँचेरिगे । च लिउँइ मत्त्रे क्हें चरिगे धै फ्हेलाउँइले थुँरिगे ।

29 तलेबिस्याँ प्रभुए ज्यु कति थेबै सै जा बिसि छेनाले आक्हिल्लेन् खाबइ क्हें चमुँ, फ्हेलाउँइले थुँमुँ चइ ह्नोंसए फिर्न दण्ड पखब्मुँ ।

30 छेनाले आक्हिल्ले चबइले क्हेमैं न्होरि ल्हें म्हिमैं नब छब तइमुँ, धै को-कोइम् सियाइमुँ ।

31 छतसि “ड प्रभु भोज चबै लायकबै मुँ उ आरे?” बिसि ह्नोंसइन ह्नोंसलाइ जाँचेसि डचोइ प्रभु भोज चस्याँ परमेश्वरउँइले डचोइ दण्ड योरिब् आरे ।

32 दिलेया प्रभुजी डचोए निसाफ लमा खीए फिर बिश्वास आलब्मैं धोलेन् डचो या नास आतरिगे बिसि डचोलाइ तार झोंम् ।

33 छतसि ओ डए अलि-अडाँमैं, प्रभु भोज चबर खागु तमा ताँन् बिश्वासीमैं आखन् समा पैन् ।

34 बरु क्हेमैंइ प्रभु भोज चमा परमेश्वरजी दोषि आठदिंरिगे बिसि क्हेमैं न्होरि को-कोइ फो खेंस्याँ धिर्न चद् । अरू ताँमैं ड क्हेमैं डाँर खसि लस्यो ।

12

□□□□□□ □□□□□□□□ □□□□□ □□□□□□□□

1 ओ अलि-अडाँमैं, क्हेमैंज्यै या पवित्र प्ल्हजी पिंबै बरदानए बारेर क्होरिगे बिब डए सैं मुँ ।

2 ओंसों ख्रीष्टए फिर बिश्वास आलमा केर आफेबै पौलै आखाँबै कुमैए लिलि क्हेमै प्ररिल ।

3 छ्रतसि क्हेमैइ चु ताँ क्होरिगे विब डए सैं मुँ, परमेश्वरए प्न्हउँइले पोंबै म्हिइ येशूलाइ स्यारल् आखाँ, झाइले अर्को ताँ पबित्र प्न्हउँइले मत्त्रे “येशून् प्रभु ग” बिल् खाँम् ।

4 पबित्र प्न्हजी पिंबै बरदानमै ल्हें खालबैं मुँ, दिलेया पबित्र प्न्ह घ्नि मत्त्रे मुँ ।

5 सेवा लबै तरिका ल्हें मुँ, दिलेया सेवा लल् त्हुबै प्रभु घ्नि मत्त्रे मुँ ।

6 झाइले ल्हें खालबैं केमैं मुँ, दिलेया च के लबर परमेश्वर घ्निजीन् ताँनलाइ के लबै भों पिंम् ।

7 खीए के ताँनइ भ्रोरिगे बिसि ताँनए फायदाए ल्हागिर्न पबित्र प्न्हजी ताँन् म्हिमैलाइ के लबै बरदान पिंइमुँ ।

8 पबित्र प्न्हउँइले कोइइ ज्ञान-बुद्धि मुँबै ताँ पोंबै भों योंइमुँ, कोइइ परमेश्वरए बारैबै छ्र्याँबै ताँमै पोंबै भों योंइमुँ,

9 कोइइ पबित्र प्न्हउँइलेन् परमेश्वरए फिर बिश्वास लबै सैं योंइमुँ, कोइइ नब छ्र्भैं सल् लबै बरदानमै योंइमुँ,

10 छ्रलेन कोइइ औदिवै केमैं लब, कोइइ अगमबाणि पोंब, कोइइ पबित्र प्न्हउँइले खबै ताँ नेरो दुष्टउँइले खबै ताँमै फेलल् खाँब, कोइइ ल्हें खालबैं क्युइ पौल् ह्नुब, कोइइ च क्युइमै क्होबै बरदान योंइमुँ ।

11 चु ताँन् केमैं पबित्र प्न्ह घ्निए केमैन् ग । खीजी ताँन् म्हिमैलाइ खीए सैर मैब् धोले स्यो-स्योबै बरदान पिंम् ।☆

१२:११ १२:१२:११ १२:१२ १२:१२

12 ज्यु घ्नि मुँ, दिलेया चर ल्हें भागमै तम्, ज्युर ल्हें भाग मुँलेया ज्यु घ्निन् तम्, च धोले येशू ख्रीष्ट या छ्राबन् ग ।☆

13 डचो यहूदी मुँलेया, अरू हेंमैं मुँलेया, आगुए न्होर के लबमैं मुँलेया, खाब् मुँलेया डचोइ पबित्र प्ह्ह घ्रिउँइलेन् ज्यु घ्रिर्न बप्तिस्मा किंइमुँ । छ्रतसि पबित्र प्ह्ह घ्रिउँइलेन् डचो ताँनइ तोन्दोरि सै योंइमुँ ।

14 तलेबिस्साँ ज्यु भाग घ्रिउँइले मत्त्रे तब आडिं, ज्यु ल्हें भागउँइले बनेइमुँ ।

15 फ्लेइ “ड ज्युबैं भाग आडिं, तलेबिस्साँ ड यो आडिं” बिइ बिस्साँ, च ज्युबैं भाग आत रो वा?

16 छ्रलेन न्हेमेंइ “ड ज्युए भाग आडिं, तलेबिस्साँ ड मि आडिं,” बिइ बिस्साँ च ज्युबैं भाग आत रो वा?

17 डचोए ज्युर मि मत्त्रे मुँस्साँ डचोइ तोइ थेब? छ्रलेन डचोए ज्युर न्हेमें मत्त्रे मुँस्साँ डचोइ तोइ थाँ नाँब?

18 परमेश्वरजी भाग घ्रिउँइले मत्त्रे ज्यु आल, खीजी ह्त्तोंसए सैर मैब धोले स्यो-स्योबै सैमैं बनेसि ज्युर किह्लले थेंमिंइमुँ ।

19 ताँन् तिथु सै मत्त्रे मुँस्साँ ज्यु आतमल ।

20 दिलेया ल्हें भाग मुँलेया ज्यु बिस्साँ घ्रिन् मुँ ।

21 छ्रतसि मिइ योने “डलाइ किह आचैदि” बिल् आखाँ । छ्रलेन ऋज्यैया फ्लेने “डलाइ किह आचैदि” बिल् आखाँ ।

22 डचोइ ज्युबैं कोइ भागलाइ तोइ आडिंबै सै मैलेया झन् च सै चैदिम् ।

23 झाइले डचोइ तोइ आडिंब् मैबै ज्युबैं भागमैलाइ डचोइ ल्हें वास्ता लम् । धै म्रॉल् आतबै भागमैलाइ डचोइ झन् छेनाले वास्ता लम्,

24 दिलेया डचोए ज्युबैं अरू भागमैलाइ छ्राबै वास्ता लल् आत्हु । परमेश्वरजीन् ज्युबैं भागमैं छेनाले किह्लले थेंमिंइमुँ ।

25 छ्रतसि ज्युर मुँबै [अथवा बिश्वासीमैं न्होरि] च भागमैं आक्हिव आतरिगे, बरु चु ताँन् स्यो-स्योबै भागमैं किह्लसि घ्रिइ घ्रिए वास्ता छेनाले लरिगे बिब परमेश्वरए सै मुँ ।

26 छतसि भाग घिइ दुःख योंस्याँ ताँन् भागज्यैया दुःख योम्, छलेन भाग घिइ छ्याँबै बयन योंस्याँ अरू भागमें या सैं तोम् ।

27 कहेमैं ताँन् ख्रीष्टए ज्यु ग । झाइले ताँन् म्हिमैं च ज्युबैं भागमें ग ।

28 ख्रीष्टए फिर बिश्वास लब्मैं न्होरि परमेश्वरजीन् केए भाग थेंमिंडमुँ । ओंसोबै कुल्मिंबै चेला चिब्मैं, डिहं अगमबक्तामें, सों परमेश्वरए बारेर ताँ लोमिंबै म्हिमैं, झाइले परमेश्वरए मिरं औदिबै के लब्मैं, नब् छब् सल् लबै बरदान योंब्मैं, अरूमैलाइ ल्होमिंबमैं, रेखदेख लब्मैं, ल्हें खालबैं क्युइ पोब्मैं ताँनलाइ परमेश्वरजी खेमैंए कल्ह्योर थेंमिंडमुँ ।*

29 ताँन् म्हिमैं कुल्मिंबै चेला चिब्मैं आत, ताँन् म्हिमैं अगमबाणि पोब्मैं आत, ताँन् म्हिमैं परमेश्वरए बारेर ताँ लोमिंबमैं आत, छलेन ताँन् म्हिमैं औदिबै के लब्मैं आत ।

30 छलेन ताँनने नब सल् लबै बरदान आत, ताँनइ ल्हें खालबैं क्युइ पोल् आखाँ, ताँनइ क्युइमैं कहोल् आखाँ ।

31 छतसि थेबै बरदानमें योंबै सैं लद् ।

डइ कहेमैंलाइ च बरदानमें योंबै छ्याँबै घ्याँ उँडमिंभुँ ।

13

?????? ???? ???? ???? ???? ???? ?

1 डइ म्हिमैंए ल्हें खालबैं क्युइमैं नेरो स्वर्गदूतमैंए क्युइर पोलेया डइ अरूमैंए फिर म्हाँया आलस्याँ, डइ पोबै ताँ इवाँ इवाँले ह्राबै इह नेरो इयाँइ इयाँइले ह्राबै छ्योँले धोन् तम् ।

2 छलेन डइ अगमबाणि पोबै भो योलेया, कहोल् आखाँबै ताँमें कहोल् खाँलेया, तोन्दोरि सैर ह्रब-सेब तलेया, झाइले कोमैं स्योवाल् खाँबै बिश्वास डने मुँलेया डइ अरूए फिर म्हाँया आलस्याँ ड तोइ सैरै या केर आफेबै म्हि तम् ।*

14

११११११११११ १११११११११ ११११११ ११११११११११ १११११११११

1 ताँन् भन्दा थेबै ताँ कहेमैँइ ताँनए फिर म्हाँया लद् । झाइले पबित्र प्ल्हजी पिंबै बरदानमैँ योंबै सैं लद् । चमैँ न्होंरि अगमबाणि पोंबै बरदान योंबै भों लद् ।

2 तलेबिस्याँ म्हिमैँइ कहोल आखाँबै क्युइ पोंबै म्हिमैँइ म्हिमैँने आडिं, परमेश्वरने पोंम्, तलेबिस्याँ खाबज्यै या चए ताँ आकहो । चइ परमेश्वरए प्ल्हए भोंउँइले म्हिमैँइ कहोल आखाँबै ताँमैँ पोंम् ।

3 दिलेया अगमबक्ताइ म्हिमैँने पोंम्, झाइले म्हिमैँलाइ प्रभुए ताँ लोमिसि चमैँए सैं भोंब् लमिंम् धैँ सैं कहोल लमिंम् ।

4 म्हिमैँइ कहोल आखाँबै क्युइ पोंबै म्हिइ ह्त्तोंसलाइ मत्त्रे फायदा लम्, दिलेया अगमबक्ताइ पोंमा ताँन् विश्वासीमैँलाइ फायदा तम् ।

5 कहेमैँ ताँनइ म्हिमैँइ कहोल आखाँबै क्युइ पोंरिगे विब डइ ड्हाँइमुँ, दिलेया च भन्दा अगमबाणि पोंल् खाँरिगे ड्हाँइमुँ । म्हिमैँइ कहोल आखाँबै क्युइ पोंब् भन्दा अगमबाणि पोंब बेल्ले छ्याँब ग । दिलेया ताँन् विश्वासीमैँइ कहोरिगे बिसि आकहोबै क्युइए अर्थ खोल्दिबै म्हि मुँस्याँ ठिक तम् ।

6 छ्त्तसि ओ अलि-अडाँमैँ, ड कहेमैँ डार खमा कहेमैँइ आकहोबै क्युइ मत्त्रे पोंस्याँ ड्उँइले कहेमैँलाइ तोइ फायदा आत । दिलेया डइ परमेश्वरए आकहोबै ताँमैँए अर्थ खोल्दिस्याँ, ज्ञान योंबै ताँ बिस्याँ, परमेश्वरए भोंउँइले ताँ बिस्याँ, अथवा परमेश्वरए बारेबैँ ताँ लोमिस्याँ मत्त्रे कहेमैँइ फायदा योंम् ।

7 मुरलि अथवा बिणाउँइले खबै कै आत्होंस्याँ तो ह्त्तारिइमुँ बिसि खाबज्यै कहोल आखाँ ।

8 छ्त्तेन थुतुरु ह्त्तारैँ म्हिइ छ्त्तेनाले फरासिलोले आह्त्तास्याँ फौजीमैँ ल्हडें लबर खैले तयार तब?

के तमुं, कोइल परमेश्वरए ताँउँइले लोमिंबै के तमुं, कोइने परमेश्वरजी उँइमिंबै ताँ तमुं, कोइइ आक्होबै क्युइ पोंमुं, कोइइ आक्होबै क्युइए अर्थ खोल्दिमिंम् । चु ताँन् केउँइले बिश्वासीमें परमेश्वरर् भोंब् तबै के लल् त्हुम् ।

27 खाबज्यै या म्हिमेंइ आक्होबै क्युइर पोंम् बिस्याँ म्हि डिहं, अथवा ल्हें मुँस्याँ म्हि सोइ मत्त्रे पलो पलोले पोरिगे । धै म्हि ग्निइ च आक्होबै क्युइए अर्थ खोल्दिमिंरिगे ।

28 दिलेया चर आक्होबै क्युइए अर्थ खोल्दिमिंबै म्हि खाबै आरेस्याँ च आक्होबै क्युइ पोंबै म्हि तोइ आपोंल्ले टिरिगे । बरु च ह्नोंसनेन् नेरो परमेश्वरने पोरिगे ।

29 अगमबाणि पोंबै म्हि या डिहंदे सोंदेइ मत्त्रे पोरिगे । धै चमेंइ पोंबै ताँ परमेश्वरए ताँ डिंउ उ आडि? बिसि अरुमेंइ छेनाले जाँच लरिगे ।

30 दिलेया चर मुँबै म्हिमेंए न्होरि खाबलाज्यै या परमेश्वरजी "चु ताँ बिद्" बिस्याँ, ओंसाँ पोरिबै म्हि आपोरिगे ।

31 चबै म्हिमें ताँनइ छेनाले ताँ क्होल् खाँरिगे धै चमेंए सैं भोंब् तरिगे बिबै ल्हागिर क्हेमें ताँनइ पलो पलोले अगमबाणि पोंल् खाँम् ।

32 अगमबाणि पोंबै म्हिमेंइ ह्नोंसए पोंबै ताँ अधीनर थेंल् त्हुम् ।

33 तलेबिस्याँ क्हेमेंइ परमेश्वरए सेवा लमा गोलमोल आतल्ले छेनाले लल् त्हुम् बिब खीए सैं मुँ ।

ताँन् क्न्ह्योर्वै परमेश्वरए फिर बिश्वास लबै म्हिमें धोले

34 परमेश्वरए सेवा लमा च्हमिरिमें तोइ आपोंल्ले टिरिगे, तलेबिस्याँ परमेश्वरए मिं क्वेबै त्हेर चमेंइ ताँ लल् आत । यहूदीमेंए ठिमइ बिब् धोले चमेंइ ह्नोंसलाइ अधीनर थेंरिगे ।

35 तोइ ताँमें क्होबै सैं मुँस्याँ चमेंइ धिंर ह्यासि ह्नोंसए प्युनेन् डचोएरिगे, तलेबिस्याँ चर्जर च्हमिरिमेंइ छलफल लब फापिबै ताँ ग ।

36 परमेश्वरए ताँ कहेमैँउँडँले त्होंब् रो वा? कहेमैँइ मत्त्रे परमेश्वरए ताँ सेइमुँ वा? आडिं!

37 खाबज्यै या द्हांसलाइ अगमबक्ता अथवा पबित्र प्लह मुँबै म्हि ग बिसि मैम् बिस्याँ, डइ प्फ़िबै चु ताँमें प्रभुजी लद् बिबै ताँमें ग बिसि चइ सेरिगे ।

38 दिलेया खाबज्यै चु ताँए वास्ता आलबिस्याँ, चलाज्यै या वास्ता लरिब आरे ।

39 छत्तसि ओ डए अलि-अडाँमें, अगमबाणि पोंबै बरदान योरिगे बिबै सैँ लद्, धै आकहोबै क्युइर पोंब्मेंलाज्यै या आपोंन् आबिद् ।

40 छले ताँन् केमैँ क्फ़िल्ले छेनाले लल् त्हुम् ।

15

११११११ १११११ १११११ ११११ १११११११ १११

1 ओ अलि-अडाँमें, डइ कहेमैँने बिमिबै सैँ तोंबै ताँए बारेर ड कहेमैँने धबै बिदा इहाँइमुँ । चु सैँ तोंबै ताँ कहेमैँइ थेइ, धै भोन्ले विश्वास लरिइमुँ ।

2 चु सैँ तोंबै ताँ क्वेंसि कहेमैँ विश्वासर भोंब् तस्याँ कहेमैँइ मुक्ति योंम् । आस्याँ कहेमैँइ फाक्कर्न विश्वास लइ ।

3 तलेबिस्याँ डइ योंबै ताँन् भन्दा थेबै सैँ डइ कहेमैँलाइ पिंडमुँ । च थेबै सैँ चुन् गः परमेश्वरए छ्वेर प्फ़िब् धोले ड-चोए पाप त्होमिबै ल्हागिर येशू ख्रीष्ट सिमिंड ।*

4 म्हिमैँइ खीलाइ पाइ, दिलेया परमेश्वरए छ्वेर प्फ़िब् धोले सोंरोर परमेश्वरजी खीलाइ धबै सोगों लमिंड ।*

5 च लिउँडँ येशू पत्रुस नेरो च्युसे डिहं कुल्मिबै चेला चिब्मैँने या त्होखइ ।*

☆ 15:3 15:3 □□□ □□:५-१२ ☆ 15:4 15:4 □□ □□:८-१०; मत्ती १२:४०; चिब्मैँ २:२४-३२ ☆ 15:5 15:5 □□□ □□:३४; मत्ती २८:१६-१७; मर्क १६:१४; लूक २४:३६; यूह २०:१९

6 च लिउँई धवै खी इहप्रदे भन्दा ल्हें अलि-अडाँमैने तिखेर्न त्होखइ। चमै न्होरि को-कोइ सियालेन् त्हेन् जसो तोगोइ या सोगोन् मुँ।

7 च लिउँई याकूबने त्होखइ, झाइले ताँन् कुल्मिंबै चेला चिबमैने या त्होखइ।

8 धाँसे लिउँई ड ला आयोल्ले फिबै कोलो धों तब्ने या प्रभु त्होखइ।*

9 तलेबिस्याँ कुल्मिंबै चेला चिबमै न्होरि ड धाँसे केर आफेव् ग। ड कुल्मिंबै चेला चिब बिबै लायकबै आरे, तलेबिस्याँ डइ ओसों परमेश्वरए ग्हिमैलाइ बेल्ले दुःख पिल।*

10 दिलेया परमेश्वरए दयाम्हाँया योंसि ड तिंजोरो कुल्मिंबै चेला चिब तइ। झाइले परमेश्वरजी डए फिर लबै दयाम्हाँया फाक्कबै आतइमुँ, बरु डइ अरू कुल्मिंबै चेला चिबमैइ भन्दा ल्हें के लइमुँ। दिलेया चु छाबै के ड ह्नोंसैन लब आडिं, डने मुँबै परमेश्वरए दयाम्हाँयाजी लब ग।

11 छतसि डइ मुँले अरू कुल्मिंबै चेला चिबमैइ मुँले, डिइ चु सैं तोबै ताँ बिप्रइ, धै डिइ बिबै ताँ थेसि क्हेमैइ बिश्वास लइमुँ।

?????????? ??

12 सिबै लिउँईज्यै या ख्रीष्ट सोगो तइमुँ बिबै सैं तोबै ताँ डिइ बिइमुँ। दिलेया सियाबमै धवै सोगों तल् आखाँ बिसि क्हेमै न्होरि को-कोइइ खैले बिल खाँइ?

13 क्हेमैइ बिब धोले सियाबमै धवै सोगों आतस्याँ ख्रीष्टै या सिसि धवै सोगों तब आडिं।

14 ख्रीष्ट सिसि धवै सोगों आतस्याँ डिइ बिमिंबै सैं तोबै ताँ फाक्कबै तम्, धै क्हेमैइ लबै बिश्वासै या फाक्कबै तम्।

15 चए फिरै या डि परमेश्वरए बारेर स्योर तेसि पोबमै तबुँ, तलेबिस्याँ परमेश्वरजी “ख्रीष्टलाइ सिबउँईले धवै सोगों लमिंइ”

बिसि खीए बारेर डिइ ग्वाइ पिंइमुँ। क्ह्रोसेंन सियाब्में धबै सोगों आतस्याँ खीजी ख्रीष्टलाज्यै या सोगों आलमल।

16 तलेबिस्याँ सियाब्में धबै सोगों आत बिस्याँ ख्रीष्ट या सिबउँइले धबै सोगों आत।

17 धै ख्रीष्ट सिबउँइले धबै सोगों आतइ बिस्याँ कहेमैइ लबै विश्वास फाक्कन तम्, झाइले कहेमै अझै या ह्रोंसए पाप नोसि क्षमा आयोन्ले टिरिइमुँ।

18 छ बिस्याँम् येशू ख्रीष्टए फिर विश्वास लसि सियाब्में या नास तयाइमुँ।

19 तोगोबै छहए ल्हागिर मत्त्रे डचोइ ख्रीष्टए फिर आशा थेंब ग बिस्याँ तान् म्हिमै भन्दा डचो ल्हयो खन् तब्मुँ।

20 दिलेया छ बिब आत! ख्रीष्ट सिबउँइले धबै सोगों तब क्ह्रोसेंन् ग। सियाब्में न्होरि तान् भन्दा ओसों येशू सिबउँइले सोगों तइ। छतसि सिसि न्हरु च्हुइरिब्में धबै सोगों तब्मुँ बिबै प्रमाण येशू ख्रीष्टन् ग।

21 तलेबिस्याँ खैले म्हि घ्रिउँइले तान् म्हिमै सिल् त्हुइ, छलेन म्हि घ्रिउँइलेन् तान् म्हिमै सिबउँइले धबै सोगों तल् योम्मुँ।

22 तलेबिस्याँ तान् म्हिमै आदमउँइले सिल् त्हुइ, छलेन तान् म्हिमैइ ख्रीष्टउँइले सोल् योम्।

23 दिलेया तान् खे-खेमैए पलोर सोगों तम्। ख्रीष्ट बिस्याँ धाँसे ओसों सोगों तइ, धै खी एयुबै त्हेर खीए फिर विश्वास लब्में सोगों तब्मुँ।

24 च लिउँइ चु ह्युलए आखिरि त्हिंइ खब्मुँ। च त्हेर ख्रीष्टजी तान् शासकमै, अधिकारमै नेरो तान् भों मुँबै सैमै नास लवासि परमेश्वर आबालाइ ग्याल्स लबर पिंम्मुँ।

25 तलेबिस्याँ परमेश्वरजी खीए शत्तुरमै तान् द्होवासि ख्रीष्टए पहले न्होर आथेन् समा ख्रीष्टजी ग्याल्स ललन् त्हुम्।*

26 धाँसे लिउँई नास लल् त्हुबै शत्तुर काल ग ।

27 तलेबिस्याँ परमेश्वरए छवेरि☆ छले फ्हिइमुँ,

“परमेश्वरजी तोन्दोरि सै म्हिए फ्हेले न्होर थेंइ ।”

झाइले “तोन्दोरि सै” बिबै मतलब परमेश्वरजी खी बाहेक अरू तोन्दोरि सै खीष्टए न्होर थेंम बिब् ग ।

28 छले परमेश्वरजी तोन्दोरि सै खीष्टए न्होर थेंमुँ, दिलेया खीष्ट बिस्याँ खीए फ्हेले न्होर तोन्दोरि सै थेंमिबै परमेश्वर आबाए न्होर टिबुँ, धै परमेश्वरजीन् ताँन् सैए फिर ग्याल्स लबुँ ।

29 धै सिबुँ धबै सोगों आतब् डिंस्याँ म्हिमैइ सियाबुँए ल्हागिर बप्तिस्मा किसि तो फायदा तम्? सिबुँ सोगों आतब् डिंस्याँ चमैइ सिबुँए ल्हागिर तले बप्तिस्मा किब?

30 सियाबुँ सोगों आतब् डिंस्याँ डइ खोंयोँइ तले दुःख नोरिब?

31 ओ अलि-अडाँमै, डचोए प्रभु येशूए फिर क्हेमैइ विश्वास लबइले डए सैं भोंइमुँ । छतसि प्रभुए के लबर ड त्हिँइ ह्त्तोंसे या सिल् खाँम् ।

32 एफिसस सहरर डइ बेल्ले दुःख योंइ - चर क्हयोँबै सिंह भलु धों तबै म्हिमैने या ड नेइ । दिलेया को-कोइ म्हिमैइ बिब् धोंलेन् सियाबुँ सोगों आतब् डिंस्याँ डलाइ तो फायदा तइ? छले फायदा आतब् डिंस्याँ, “डचो चले, थुँले, तो लदा इहाँम् लले, तलेबिस्याँ फ्हेन्हाँगम् डचो सियाम् ।”☆

33 छतसि न्ह क्रों मि क्रों तद्, खाब तोदोंए ताँ आडेंन् । तलेबिस्याँ “आछ्याँबै के लबुँने प्रस्याँ छ्याँबै म्हि या आछ्याँबन् तयाम् ।”

34 सैं चित्, तारे पिरु पाप के आलद् । छ्वाबै आछ्याँबै केमै क्हेमैए ल्हागिर फापिन् तबै ताँ ग । छतसि चु ताँ डइ क्हेमैने बिल्

45 तलेबिस्याँ परमेश्वरए छ्वेरै या छले फ्हिडमुँ, “ओंसोंबै म्हि आदम छह मुँबै म्हि तइ ।” लिउँडैबै आदम (अथवा येशू ख्रीष्ट) छह पिंबै पबित्र फ्ह तइ ।✧

46 ओंसोंबै म्हि फ्हर ज्यु मुँबै म्हि आडिं, से-कोए ज्युर फ्ह मुँबै म्हि ग । लिउँडैबै म्हि फ्हर ज्यु मुँबै म्हि ग ।

47 ओंसोंबै म्हि सउँडैले बनेबै पृथ्वीबै म्हि ग, लिउँडैबै म्हि स्वर्गबै म्हि ग ।

48 पृथ्वीबै ताँन् म्हिमै सउँडैले बनेबै म्हि आदम धों तब् ग । स्वर्गबै म्हिमै स्वर्गउँडैले युबै म्हि येशू ख्रीष्ट धोंन् तब् ग ।

49 खैले डचो सउँडैले बनेबै म्हि आदम धोंन् ब्योब् तइ, छलेन डचो स्वर्गबै म्हि धोंन् ब्योब् तब्मुँ ।

50 छतसि ओ अलि-अडाँमै, डइ बिल् म्हैबै ताँ तो जा बिस्याँ, से कोए ज्युनेन् डचो परमेश्वरए ग्याल्सर, अथवा स्वर्गर, होल् आयों । धै नास तल् त्हुबै ज्युइ खोंयोँइ नास आतबै फ्हर ज्यु योल् आखाँ ।

51 थेद, डइ क्हेमैने म्हिमैइ क्होल् आखाँबै ताँ बिम् । डचो न्होरि को-कोइ सियालेया ताँन् सिरिब् आरे, दिलेया डचो ताँनए से-कोए ज्यु मि चिब्लि लबर्न परमेश्वरजी फेदिवाब्मुँ ।

52 तलेबिस्याँ आखिरि धुतुरु ह्हाबै त्हेर खीजी ओंसों सियाब्मै खोंयोँइ या आसिबै छह पिसि सोगों लमिंब्मुँ, झाइले डचो ताँनए ज्यु या फेदिवाब्मुँ ।✧

53 तलेबिस्याँ नास तल् त्हुबै सैइ नास आतबै सै नेरो सिल् त्हुबै ज्युइ क्वें खिब् धोले खोंयोँइ आसिबै ज्यु खिल् त्हुम् ।

54 खैम नास तयाबै सैइ नास आतबै सै नेरो सिल् त्हुबै ज्युइ सिल् आत्हुबै ज्यु खिम्, च्मन् परमेश्वरए छ्वेर फ्हिबै ताँ पूरा तम्,

“ओ काल, परमेश्वरजी कहलाइ ट्होवाल् खाँइमुँ!”☆

55 “ओ काल, खोइ! कहइ ट्होइ वा?

ओ काल, कहए भों खोइ?”☆

56 कालए भों पाप ग, झाइले पापए भों टिम ग।

57 दिलेया परमेश्वरलाइ धन्यवाद तरिगे, तलेबिस्याँ खीजी डचोए प्रभु येशू ख्रीष्टउँइले डचोलाइ ट्होगों लमिंभुँ।

58 छतसि* ओ डइ खोबै अलि-अडाँमें, कहेमें छाइ-छुइ आतल्ले भोन्ते टिद्। खोंयोन् बिलै प्रभुए के लरिद्। तलेबिस्याँ प्रभुए लहागिर लबै के फाक्कन आत बिबै ताँ कहेमेंइ सेइमुँ।

16

‡‡‡‡‡‡‡‡‡‡ ‡‡‡‡‡‡‡‡‡‡ ‡‡‡‡‡‡‡‡‡ ‡‡‡‡‡

1 यहूदीया ह्युलबै परमेश्वरए म्हिमेंलाइ ल्होबर रेबै भेटिए बारेर ताँ गि बिल् त्हुम्। डइ गलातिया ह्युलबै विश्वासीमेंने बिब् धोले कहेमेंज्यै या लद्।☆

2 सद्* ह्रोंसे कहेमें ताँनइ ह्रों-ह्रोंसए कमें अनुसार मुइ स्यो थेंन्। छ लस्याँ ड खबै त्हेर मुइ स्योरिल् आत्हु।

3 धै ड खसि कहेमेंइ त्हाँबै म्हिमेंए योर्न फ्लिछ्या पिंसि कहेमेंइ स्योबै मुइ पिनेबर चमें यरूशलेमर कुल्मिंभुँ।

4 डन् ह्याल् त्हुलेया ड चमें बोसिन् ह्याभुँ।

‡‡‡‡‡‡‡‡‡‡ ‡‡‡‡‡‡‡‡‡‡ ‡‡‡‡‡

5 डला माकेडोनिया ह्युलर ह्याल् त्हुबै के मुँ। छतसि माकेडोनियाउँइलेन् ड कहेमेंने त्होबर खम्।☆

☆ 15:54 15:54 □□□ □□:८ ☆ 15:55 15:55 □□□□ □□:१४ * 15:58 15:58

□□□□ □□□□ □□□□□ □□□□□□ □□□□ □□□ □□ □□□□ □ * 16:1 16:1 □□□ □□:२५,२६

* 16:2 16:2 □□□□□ □□□□□□, सदबै ओसोबै त्हिंइ ☆ 16:5 16:5 □□□□□□ □□:२१

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514